

**KAMUPANI O PULEGA O
FAAPUTUGATUPE
TEUFAAFAIGALUEGA O
MAVAEGA TAUSI A SAMOA**

LIPOTI FAALE-TAUSAGA

Mo le Tausaga Fa'ai'uina ia 30 Iuni 2018



Please address all correspondence to:
The Minister of Finance
Private Bag
Apia, Samoa



Government of Samoa

Telephone: (685) 34385
(685) 33280
Facsimile: (685) 31312

OFFICE OF THE MINISTER OF FINANCE

(Ministry of Finance; Central Bank of Samoa; Development Bank of Samoa; Samoa International Finance Authority; Samoa Life Assurance Corporation; Samoa National Provident Fund; National Energy Coordination Committee; National Tenders Board; Unit Trust of Samoa;)

STATEMENT TO PARLIAMENT

30 Oketopa 2018

Afioga Leaupepe Taima'aiono Toleafoa Fa'afisi
Afioga i le Fofoga Fetalai
Fono Aoao Faitulafono a Samoa

Afioga e,

E tusa ai ma le Vaega VI Fuaiupu 23 o le Tulafono mo Faalapotopotoga a le Malo (Faatinoga o Galuega ma le Mafai ona Tali Atu) 2001, e tu'uina atu mo le talanoaina e le Fono Aoao Faitulafono, le Lipoti Faale-Tausaga a le Kamupani o Pulega a le Faaputugatupe Teufaafaigaluega o Mavaega Tausi a Samoa mo le tausaga faale-tupe ua faai'uina i le 30 Iuni 2018.

O le Lipoti lona fitu lenei o le Kamupani o Pulega a le Faaputugatupe Teufaafaigaluega o Mavaega Tausi a Samoa ("Kamupani o Pulega") talu ona faatuina faale-tulafono I lalo o le Tulafono mo Kamupani 2001, i le aso 15 o Fepuari 2010. Na faatūina le Kamupani o Pulega na te pulea le Faaputugatupe Teufaafaigaluega o Mavaega Tausi o Samoa (le "Mavaega Tausi").

Ao faaaauau ona faatuputupulaia ma tali atu i fesuiga i tamaoaiga le Mavaega Tausi, sa fetūtūnai ai e le Kamupani o Pulega le Va'aiga Taula'i a le Mavaega Tausi *"ia avea ma pule o faaputugatupe e ta'imua i le faafaigaluegaina o tupe i totonu o Samoa e maua ai se lumana'i manuia"* mo le aufai'iunite. Ina ia ausia le Va'aiga Taula'i fou na toe iloiloaina ai foi ma le Manulauti a le Mavaega Tausi *"ia tu'uina atu i tagatanu'u uma o Samoa avanoa e teufaafaigaluega ai tupe i avanoa esese i vaega tau aseta"*.

Ou te fiafia e faailoa atu ole Kamupani o Pulega, o loo faaaauau pea ona totogina i tausaga uma tufatufaga i le Malo aua le atinaeina o le atunuu talu mai le tausaga faaletupe 2014.

Ma le fa'aaloalo lava,

Sili Epa Tuioti
MINISITA O TUPE/UTOS

Faasino Autu

Lipoti a le Komiti o Faatonu	3
Lipoti a le Ofisa Sili o Pulega	6
Tala o Tupe	9 - 21
Lipoti a le Suetusi	9
Lipoti Faamaonia a le Komiti o Faatonu	11
Faamatalaga o Tupe Faavae, Aseta ma Aitalafu	12
Faamatalaga o Tupe Maua ma Tupe Fa'aalu	13
Faamatalaga i Suiga i Tupe Faavae	14
Faamatalaga o Auala sa maua mai ai Tupe ma lo latou Fa'aaogaina	15
Faamatalaga Faaopoopo	16 - 21

Lipoti a le Komiti o Faatonu

O se fiafiaga sili le tuuina atu ai e le Komiti o Faatonu a le Kamupani o Pulega a le Faaputugatupe Teufa'afaigaluega o Mavaega Tausi a Samoa (Kamupani o Pulega) lenei lipoti i le aotelega o galuega sa faatinoina mo le tausaga faaletupe na faaiuina i le aso 30 Iuni 2018. O le Kamupani o Pulega o le pule o faaputagatupe teufaafaigaluega o mavaega tausí a Samoa sa faavaeina i lalo o le tulafono o Faaputugatupe Teufaafaigaluega o Mavaega Tausi 2008. O le tausaga lona valu lenei talu ona faatuina le Kamupani o Pulega o Faaputugatupe Teufaafaigaluega o Mavaega Tausi a Samoa.

I le avea ai ma Komiti o Faatonu, o le Kamupani o Pulega a le Faaputugatupe ua tu'uina iai tiute ma galuega faatino mo le puleaina lelei o le Faaputugatupe e pei ona aiaia i totonu o faigafaavae e pei o le Tulafono o Faaputugatupe Teufaafaigaluega o Mavaega Tausi 2008, Pepa Faamaonia o Feagaiga na sainia e le Komiti o Faatonu ma le Tausi Mavaega, ma le Taiala o Pulega Faatonu a le Faletupe Tutotonu o Samoa 2015.

O le Komiti o Faatonu a le Kamupani o Pulega i le tausaga faaletupe lenei o le Taitaifono, Afioga Afoa Asiata Kolone Vaai, sui o Komiti o Faatonu le Afioga Magele Arthur Penn ma le Afioga ia Lavea Tupaimatuna Iulai Lavea. O loó faatino pea e le Komiti o Faatonu ana galuega i le maualuga e mafai ai ma le faamaoni e tusa ai ma faiga lelei ina ia malu puipuia aiā a le aufaiiunite.

O le Kamupani o Pulega o loo finau pea mo le auaunaga sili i le tau talafeagai mo le aufaiiunite. O le taimi nei e toa lima le Pulega Sinia o loo faatautaia galuega ma matafaioi eseese aua le malupuipua o teugatupe a le aufaiiunite. O le aofaiga o le aufaigaluega e toa sefululua na mafai ona latou faamauina se tufatufaga lelei i lenei tausaga faaletupe ma faatinoina se auaunaga maualuga e pei o le auaunaga i luga o upega tafailagi mo le aufaiiunite.

I le maea ai ona faatinoina o tauofoga mo se Tausi Mavaega, na amata aloaia ai loa lea i le aso 1 Ianuari 2018 le Tausi Mavaega fou o le Tafailagi Trustee Co Ltd. O Komiti Faatonu o le Afioga Taito John Roache ma le Afioga Luana von Reiche-Roache. O le Tafailaigi Trust e tamaoaiga i tomai faatausitusi ma pulega atoa ai agavaa i le faatinoina o matafaioi ma tiutetauave faatausi mavaega.

E fiafia e lipoti atu o loo faaauau pea ona faatupuina le malosi o le faavae o teugatupe teufaafaigaluega a le Faaputugatupe Teufaafaigaluega o Mavaega Tausi a Samoa (UTOS). O loo faatuputupulaia pea le aofaiga o meatotino (aseta) talu ona amata faatauina le iunite muamua i le aso 1 Setema 2010. O le aofaiga o meatotino maoti a le UTOS i le tausaga faaletupe aso 30 Iuni 2018 e \$74 miliona. O le uluai iloilo ina o le tau aoga o teugatupe teufaafaigaluega i sea i Pisinisi na faatinoina i le tausaga faaletupe lenei ma maua ai se siitaga i le tau aoga e \$6.6 miliona.

O loo faaauau pea le faatelēina ma vaeaeina teugatupe teufaafaigaluega i auala eseese o teuina ai tupe teufaafaigaluega a le UTOS. Ua amata ona faatino faiga faavae e ala lea i Maliega Tusitusia (MOU). Ua maea sainia le Maliega Tusitusia ma le Amalgamated Telecom Holding Ltd (ATH) o se kamupani o fesootaiga i Fiti e tatala ai avanoa mo teugatupe teufaafaigaluega i kamupani o fesootaiga i le Pasefika. O loo tau faamaea nei le Maliega Tusitusia (MOU) ma le Unit Trust of Fiji e tatala ai foi nisi avanoa mo teugatupe teufaafaigaluega ma avanoa e faasoa ai le iloa ma le atamai i auaunaga.

O Ianuari 2018, na pasia ai le totogiina o le Tausi Mavaega e le Kamupani o Pulega mai le totogi fua pau o le Pulega. I le amata mai o le UTOS i le 2010 o le tulaga lea sa ia. Peitai, i le uluai ono masina sosoo talu ona amata le Kamupani o Pulega na tulai mai ai tupe pau ma tuuina atu ai loa lea e totogiina e le UTOS. Ua mautinoa nei e le Komiti o Faatonu ua mafai e le Kamupani o Pulega ona faatinoina le totogiina o le Mavaega Tausi. O le aso 1 Ianuari 2018 na amataina ai ona toe totogiina e le Kamupani o Pulega le Mavaega Tausi.

E fiafia e faailoa atu le faatuputupulaia o tagatanuu ma aufaipisinisi ua avea ma sui faiiunite. O le aofaiga o le aufaiiunite i le aso 30 o Iuni 2018 e 2,116 faatusatusa i le 200 i le uluai tausaga. O loo faaauau pea ona faia polokalame faalauiloa i Upolu ma Savaii e faatosina mai ai sui fou e faatauina

iunite. Sa faatinoina se faalauiloa e soo ai le motu o Savaii latalata i le faaiuga o le tausaga faaletupe lenei. Sa tali leleia e le motu tele ma ua taunuu ai le anavatau a le Malo “o le mea e lelei mo Upolu e lelei foi mo Savaii”. Oloo faia pea faatalatalanoaga i luga o leitiio, polokalame faalauiloa i luga o TV, faalauiloa i faalapotopotoga, Matagaluega a le Malo ma aulotu ina ia faatuputupulaia pea sui faionite fou.

O loo matou taumafai e faatulaga le Kamupani o Pulega ia avea ma se faapotopotoga e taitai i le tomai faaonapo nei faatekonolosi. O le faaogaina aloaia o le Resitala o luniti i le 2017 na tuuina atu ai le avanoa i le mamalu o le aufaiiunite e siakiina ai paleni o a latou teugatupe i luga o upega tafailagi. Ua oo atu i le 11% o le aofaiga o le aufaiiunite ua mafai nei ona faaogaina lea auaunaga. O loo faia pea e le aufaigaluega polokalame faailoa ma tuuina atu le avanoa i le aufaiiunite e faaogaina ai lea auaunaga.

O se mitamitaga foi e faailoa atu le faaauauina o le avanoa e siakiina ai paleni i luga o le telefoni feaveai e ala lea i le Polokalame i luga Telefoni Feaveai (Mobile App) lea na amatalia ia luniti o le tausaga faaletupe lenei. O loo taumafai le aufaigaluega e faalauiloa le faaogaina o le Mobile App e faafaigofie ai i aufaiiunite i atunuu mamao ona fafaga a latou teugatupe e faaogaina ai lea auaunaga fou.

O loo faaauau pea ona faaleleia le tautuaina o le aufaiiunite e ala i le faaogaina o upega tafailagi ma o loo tau sailia pea auala taugofie e tuuina mai ai tupe mai atunuu mamao. O le Resitala o loo i luga o upega tafailagi o loo maua lona malu puipuia pea faatusatusa i le maua luga o puipuiga o isi faletupe tetele a le lalolagi.

I le vaai mamao, e tatau ona fausia ni auala mo le UTOS ina ia mafai ai ona ausia se taunuuga lelei mo le aufaiiunite. E tatau foi ona mautinoa o le siosiomaga o loo faagalueaina ai le UTOS e taunuu i le miti a le aufaiiunite, o le ausia lea o se faamanuiaga sili e ala i tufatufaga ma le faatuputupulaia o le tau o le iunite. Ona o le tulaga lea, ua fausia ai se Vaaiga Taulai fou ***“ia avea ma pule o faaputugatupe e ta’imua i le faafaigaluegaina o tupe i totonu o Samoa e maua ai se lumana’i manuia”*** mo le aufaiiunite ma ia ausia ai le Manulauti ***“ia tu’uina atu i tagatanu’u uma o Samoa avanoa e teufaafaigaluega ai tupe i avanoa esese i vaega tau aseta”***.

O le manuia ma luitau o tausaga ua tuana'i ua ave ai le faamuamua e faaleleia i le fa tausaga o lumanai vaega o loo lisiina i lalo:

1. Faatuputupulaia o teugatupe teufaafaigaluega i avanoa esese ma faalatele atu i maketi i atunuu i fafo talafeagai;
2. Faatuputupulaia le numera o le aufaiiunite e le gata i Samoa nei ao Samoa o loo papaaao i atunuu mamao;
3. Atinae ma faalelei atili le tomai faapitoa o le aufaigaluega mo le faatinoina o matafaioi e maua ai avanoa esese mo le teufaafaigaluegaina o tupe;
4. Faia ni oloa ma auaunaga i a tatou paaga aofia ai ma aufaiiunite e faaogaina ai le malosiaga faatekonolosi.

O le punaoa ma le agavaa o le aufaigaluega, ua mafai ai ona fausia le tomai e avea ai ma Pulega o Tupe mo nisi Faaputugatupe fou ma Pulega o Mavaega tau luniti i Samoa ma atunuu mamao, aemaise le tuuina atu o nisi avanoa fou mo tagata Samoa e teufaafaigaluega a latou tupe.

Mo le tausaga o lumanai 2018/2019, o loo mataitūina tamaoaga ma avanoa e teufaafaigaluegaina ai tupe o le a taitaia e le auaunaga faatekonolosi, o loo faaauau pea le faatuputupulaia o auaunaga mo tagata tafafao mai ma isi auaunaga tali tutusa. O loo talosia le faateleina o avanoa e tatala mai mo le teufaafaigaluegaina o tupe e le gata i Samoa nei ao atumotu tuaoi. O loo mautinoa e le Komiti Faatonu ma le aufaigaluega le maua luga o le faatinoina o le auaunaga i le sailia lea o le alualu i luma ma le faateleina o teugatupe ma avanoa e teufaafaigaluegaina ai tupe, faapea foi ma le faamalosia o puipuiga ma le mataitūina o auala o loo faatino ai galuega. Ona o le maua luga o le lamatia o lo tatou atunuu ma

lenei itulagi i mala faalenatura e pei ona i ai le sunami ma afa e tolu i totonu o le sefulu tausaga talu ai o lea o le a mataitūina pea auala e faasaoina ma malutia ai teugatupe mai aafiaga i nei mala.

Talu mai le faaiuiuga o le tausaga faaletupe ua tuanai, e lei iai se sui o le Komiti Faatonu na mauaina pe ono avea ma sē e maua se penefiti (ese mai le aofaiga o faamanuiaga faaletulafono e mauaina e Sui Faatonu o loo faailoina atu i le tala o tupe) ona o se mafuaaga faakonekarate na faia ma le Kamupani o Pulega, poo se tasi Faalapotopotoga tau lalata ma le Sui Faatonu, poo se Sui Faatonu foi ua avea ma sui o se falefaigaluega, poo se kamupani foi o loo telē le aiatatau faaletupe a sea Sui Faatonu.

Faia mo le Komiti Faatonu e tusa ai ma faiga faavae ua pasiaina e Komiti Faatonu.

Aso

11/09/2018



Afoa Asiata Kolone Vaai

TAITAIFONO



Magele Arthur Penn

KOMITI FAATONU

Lipoti a le Ofisa Sili o Pulega

O se fiafiaga tele, e lipoti atu ai taualumaga o le tala o le tupe lona valu a le Kamupani o Pulega a le Faaputugatupe Teufaafaigaluega o Mavaega Tausi (Kamupani o Pulega). O le tausaga faaletupe lenei na faaiiina i le aso 30 Iuni 2018 ma faatulaga mai ai le taunuuga i le faatupeina o auala o le faatinoina o galuega, le faaleleia o le auaunaga i le aufaiiunite ma le atinaeina o le aufaigaluega.

I totonu o lenei tausaga faaletupe, o loó faaauau pea ona galuegaaina ma pulea le Faaputugatupe Teufaafaigaluega o Mavaega Tausi o Samoa (UTOS) e pei ona aiaia i totonu o faigafaavae e pei o le Tulafono o Faaputugatupe Teufaafaigaulega o Mavaega Tausi 2008, Pepa Faamaonia o Feagaiga 9 Iulai 2010 toe iloiloaina i le 18 Tesema 2017 na sainia e le Komiti o Faatonu ma le Tausi Mavaega, ma le Taiala o Pulega Faatonu a le Faletupe Tutotonu o Samoa 2015.

O le numera o le aufaigaluega ua siitia mai le iva i le sefululua i lenei tausaga faaletupe.

FAAMATALAGA TAU TUPE

Tupe Maua

O le aofaiga o tupe maua i lenei tausaga faaletupe ua siitia i le 8% pea faatusatusa i le tausaga ua tuanai. O mafuaaga o le siitaga ona o le totogi fuapau mo le Kamupani o Pulega mai le UTOS. O loo tumau pea le 2% o le totogi fuapau i luga o le aofaiga o meatotino maoti a le UTOS, peitai o loo faatuputupulaia pea the aofaiga o meatotino maoti ua mafua ai ona siitia ai foi ma le totogi fuapau mo le Kamupani o Pulega. O loo mataitūina pea e le Komiti o Faatonu ma le Pulega lea suiga ina ia mautinoa o loo saogalemu tulaga tau tupe a le UTOS ma le Kamupani o Pulega. O tului mai teugatupe i faletupe ma totogi fuapau i le talaina i tua o teugatupe a le aufaiiunite o loo maua ai isi tupe maua a le Kamupani o Pulega.


Tupe Faaalu

O le aofaiga o tupe faaalu ua siitia i le 19% pea faatusatusa i le tausaga talu ai. O lea siitiaga telē e mafua mai le faaitiitia o le tau aoga o meatotino ona o le faatauina o masini ma polokalame fou a le vaega o auaunaga mo faamatalaga faatekonolosi e faaleleia ai faamaumauga ma fesootaiga ma le aufaiiunite. Ua siitia foi tupe faaalu mo totogi o le aufaigaluega ona ua faaopopo nisi avanoa sinia fou e tolu e fesoasoani i galuega fai ona ua faatuputupulaia le numera o le aufaiiunite. Na pasia foi e le Komiti Faatonu le totogiina e le Kamupani o Pulega le totogifuapau mo le Tausi Mavaega e pei ona sa faia i le taimi tau amata o le Kamupani o Pulega. Na faaluaina le maualuaga o le siitiaina o tupe faaalu i fesootaiga mo lenei tausaga pea faatusatusa i le tausaga ua tuanai ona o le faaogaina o le fesootaiga tau upegatafailagi ina ia mafai ai e le aufaiiunite ona fesootai mai e siakiina ai paleni o a latou teugatupe. O loo atagia mai nei siitaga le naunautaiga ina ia maualuga pea le auaunaga i le aufaiiunite faapea le faaogaina lelei o avanoa mo auaunaga fou faatekonolosi.

Tupe Mama

O loo faaitiitia pea le tupe mama a le Kamupani o Pulega pea faatusatusa i tausaga ua tuanai ona o le siitia o tupe faaalu mo le faaleleia o le auaunaga e ala lea i masini ma polokalame faatekonolosi ma le siitia o le numera o le aufaigaluega lea na pasia e le Komiti Faatonu. O le tupe mama na maua i lenei tausaga faaletupe e \$332,383 faatusatusa i le \$411,011 o le tausaga ua tea.

O kalafa o loo i lalo o loo atagia mai ai faamatalaga o tupe mo le Kamupani o Pulega i le lima tausaga talu ai.




Fuafua i le tupe mama, na pasia ai e le Komiti o Faatonu le tufatufaga mo le e pulea toatasi le Kamupani o Pulega, le Malo o Samoa e \$250,000. O le tufatufaga na pasia e tusa lea ma le 13.8% o le aofaiga o le tupe faafaavae e \$1.8 miliona na tuuina mai e le Malo e faatuina ai le Kamupani o Pulega.

GALUEAINA O LE UTOS

Aufaiiunite

O le 100 iunite muamua na faamatuu atu i le Kamupani o Pulega e tatalaina ai le UTOS ina ua tatalina aloaia i le aso 9 o Iulai 2010 e pei ona aiaia i totonu o faigafaavae e pei o le Tulafono o Faaputugatupe Teufaafaigaulega o Mavaega Tausi 2008, Pepa Faamaonia o Feagaiga 9 Iulai 2010. O iunite muamua na faatauina i le aso 1 Setema 2010 ma e nao le 200 le aofaiga o aufaiiunite na avea ma sui faiiunite i lea tausaga. O le aofaiga o le aufaiiunite e oo mai i le aso 30 o Iuni 2018 e 2,116.



O loo siisii pea le fuainumera o le aufaiiunite i lea tausaga ma lea tausaga. O loo faia polokalame faalauiloa e pei o faatalanoa i luga o le leitio, TV, faailoa i faalapopotoga eseese faapea matagaluega a le Malo. Sa faia foi le faalauiloa faatamilo i le motu o Savaii ina ia siitia pea le numera o sui fou e fia auai. O loo iai fuafuaga mo aufaiiunite ua loa ona avea ma sui faiiunite talu mai le amataga o le UTOS e tau ai lo latou lagolago.

Faamanuiaga mo le aufaiiunite

O le faamanuiaga i luga o teugatupe a le aufaiiunite o loo maua luga pea peā faatusatusa i isi teugatupe i Samoa. O loo faamuamua pea e le Kamupani o Pulega le teufaafaigaluegaina lea o tupe i nogatupe o loo iai le faamalumaluga a le Malo ona o le laititi o le tulaga lamatia ae oloo lelei faamanuiaga o loo maua ai mo le aufaiiunite. O lona aotelega, ia faaauau pea ona maua tufatufaga mo le aufaiiunite i

tausaga uma ma le tau aoga o le iunite ia faatuputupulaia pea. O le pasene o le faamanuiaga mo le tausaga faaletupe lenei e 12.6%. Na maua mai le 6% i le siitia o le tau aoga o le iunite ma 10sene o le tufatufaga lea na aloaia i le aso 18 Iuni 2018.


VAAIMAMAO

Mo le lumanai, o le a faaauau pea ona iloilo le totogifuapau mo le pulega ina ia mautinoa le lelei o faamanuiaga e maua e le UTOS ma le Kamupani o Pulega. O le faamuamua o le a ave lea i le faalauiloaina lea o teuga tupe i le UTOS, le unaiina lea o teugatupe teufaafaigaluega faapea le atinaeina o le tomai o le afaigaluega ina ia mafai ai ona lelei faamanuiaga mo le aufaiiunite.

E fia faamauina le agaga faafetai i le Malo e ala atu i le Minisita o Tupe, Afioga Sili Epa Tuioti ona o lana lagolagosua.

E fia faafetai foi le Taitaifono ma le Komiti o Faatonu ona o la latou taitaiga maumaututu ma le latou lagolagosu faifai pea mo le Pulega ma le afaigaluega.

Ma le fa'asaloalo tele,



Sau Fapaipai Justina Sau Lam
Ofisa Sili o Pulega



AUDIT OFFICE

*Please address all correspondences
to the Controller and Auditor General*

LIPOTI A LE OFISA SUETUSI

MO FA'ATONU O PULEGA — KAMUPANI FAAPUTUGATUPE TEU FA'AFALGALUEGA O MAVAEGA TAUSI O SAMOA (PULEGA)

Manatu Fa'a-Su'etusi

Ua mae'a ona matou su'eina Fa'amatalaga Tau Tupe o lo'o fa'apipi'i fa'atasi atu a le Kamupani Faaputugatupe Teu Fa'afalgaluega o Mavaega Tausi o Samoa (Pulega), e aofia ai le Fa'amatalaga o Tugala Tau Tupe e pei ona iai i le aso 30 Iuni 2018, ma Fa'amatalaga o Fa'atinoga Tau Tupe, fa'amatalaga o tupe fetafea'i, fa'amatalaga o fesuaiga o tupe fa'avae ma fa'aagaga, mo le tausaga e pei ona fa'ai'uina ai, fa'atasi ai ma le oototoga o tu'utu'uga iloga fa'atausi tusi ma fa'amatalaga fa'aopoopo. O Suetusi Aloaia Fa'alauaitale, Ah Chong, na fesoasoani i lenei suega o tusi.

I lo matou manatu, ua tuuina mai Fa'amatalaga Tau Tupe se vaaiga e tonu ma talafeagai le tulaga tau tupe a le Kamupani Faaputugatupe Teu Fa'afalgaluega o Mavaega Tausi o Samoa (Pulega), e pei ona iai i le aso 30 Iuni 2018, ma ana fa'atinoga fa'ale-tupe, suiga i tupe fa'avae ma ana tupe fetafea'i mo le tausaga na fa'ai'uina ai e tusa ai ma Aiaiga Fa'ava-o-Malo i le Fa'alauiloaina o Lipoti Fa'ale-tupe.

Fa'avae o le Manatu Fa'asuetusi

Sa fa'atino la matou su'ega e tusa ai ma Aiaiga Fa'a-Su'etusi Fa'ava-o-Malo. O la matou matafaioi i lalo o nei aiaiga o loo fa'amanino atili atu i le vaaiga o Matafaioi Fa'a-Suetusi mo le su'ega o Fa'amatalaga Tau Tupe i lenei lipoti. E tutoatasi le Su'etusi mai le Kamupani Faaputugatupe Teu Fa'afalgaluega o Mavaega Tausi o Samoa (Pulega), e tusa ai ma Aiaiga Fa'ava-o-Malo Fa'a-Tausi Tusi e manaomia lo matou tautu i manaoga amiotonu talafetaui e fa'atatau i le auunaga Fa'a-Su'etusi i totonu o Samoa. Ua matou fa'amalieina uma tulaga moomia o Aiaiga Fa'ava-o-Malo e pei ona taua i luga. Ua matou talitonu e fa'apea o mau Fa'a-Suetusi na matou maua ua lava ma fetau e tuuina mai ai se fa'avae mo lo matou manatu Fa'a-Suetusi.

O le Matafaioi a le Fono a Fa'atonu ma le Pulega Mo Fa'amatalaga Tau Tupe

O le Fono a Fa'atonu ma le Pulega, e ia te i latou le matafaioi mo le saunia ma le tu'uina aloaia mai o nei Fa'amatalaga Tau Tupe ina ia tusa ai ma Aiaiga Fa'ava-o-Malo i le Fa'alauiloaina o Fa'amatalaga Tau Tupe. O lenei matafaioi e aofia ai le fuafuaina, le fa'atinoina, ma le fa'aauuina o pulega fa'alotoifale talafeagai, le filifilia ma le fa'aogaina o faiga fa'avae Fa'atausi Tusi ua talafetaui ma le saunia ma le tuuina aloaia mai o Fa'amatalaga Tau Tupe e fa'apea ua saoloto mai sēsē matuia, e fa'aono mafua mai le sasi po'o amio piopio.

I le saunia o Fa'amatalaga Tau Tupe, e tatau i le Fono a Fa'atonu ma le Pulega ona fa'amautinoa le mafai ai e le Kamupani Faaputugatupe Teu Fa'afalgaluega o Mavaega Tausi o Samoa (Pulega) le fa'auuina o ana galuega ma fa'agaoioiga fa'ale-tupe ma fa'ailoa ile tulaga e tatau ai mataupu e a'afia ai le lumana'i fa'aauau ma fa'aogā ai le talitonuga maumaututu i lenei lumana'i fa'aauau sei vagana ai ua ta'atia se fa'amoemoe o le Fono a Fa'atonu ma le Pulega e tapunia le Kamupani Faaputugatupe Teu Fa'afalgaluega o Mavaega Tausi o Samoa (Pulega) ma taofia uma ana galuega, po'o le leai foi o se isi fa'amoemoe mautinoa e toe fa'auau ai.

O le Fono a Fa'atonu, e nafa ma le mata'itūina o le sologa lelei o Fa'amatalaga Tau Tupe a le Kamupani Faaputugatupe Teu Fa'afalgaluega o Mavaega Tausi o Samoa (Pulega)

Matafaioi a le Suetusi

O le sini autū o le su'ega o tusi, o le fa'aalia lea o se manatu i luga o Fa'amatalaga Tau Tupe e ala i lipoti e aofia ai ma le manatu Fa'a-Su'etusi e fa'avae i luga o mau talafeagai e tusa ai ma aofaiga ma folasaga i totonu o nei Fa'amatalaga, e aofia ai foi ma le auililiina o fa'afitauli mai fa'amatalaga sese matuiā, pe afua mai i amio pi'opi'o po'o le sasi. O a matou mau e maua ai se fa'amaoniga talafeagai peita'i e lē mafai ona maua se mautinoa atoatoa pe maua uma ni sese po'o ni sasi o iai i Fa'amatalaga Tau Tupe tusa lava pe fa'atinoina se suega e tusa ai ma Aiaiga Fa'a-Suetusi Fa'ava-o-Malo. E mafai ona iai ni fa'amatalaga sese e afua mai i amio pi'opi'o po'o le sasi ma e mafai ona matuiā lona a'afiaga i

Please address all correspondences
to the Controller and Auditor General



AUDIT OFFICE

le aotelega atoa, ma e ono a'afia ai fuafuaga i mataupu tau tupe a i latou o le a fa'aogaina Fa'amatalaga Tau Tupe ma fa'avae mo nei fuafuaga.

E tusa ai ma Aiaiga Fa'a-Su'etusi Fa'ava-o-Malo, e fa'atino la matou su'ega i le tulaga mauuluga ma le tomai fa'apitoa. E fa'apea foi ona matou:

- Fa'ailoa ma auiliili ni lamatiaga o fa'afitauli mai fa'amatalaga sese matuiā o Fa'amatalaga Tau Tupe, pe afua mai i ni amio pi'opi'o po'o le sasi, fausia ma fa'atino gaoioga e tali atu i nei lamatiaga, ma fa'amauiina mau Fa'a-Su'etusi e atoatoa ma talafeagai mo fa'avae o le manatu Fa'a-Su'etusi. O le lamatiaga o le lē maua o fa'afitauli mai fa'amatalaga sese matuiā e afua mai i amio pi'opi'o e ogaoga atu nai lo'o tulaga sasi, ona o amio pi'opi'o e aofia ai fefinuaiga, pepelo, ave ese ma le iloa, fa'amatalaga sese, poo le soloia o puipuiga fa'alotoifale.
- Silafia puipuiga fa'alotoifale e talafeagai i le su'ega mo le fausia o gaoioga talafeagai i ia tulaga ae lē mo le fa'amoemoe e fa'aalia se manatu i le lelei o puipuiga fa'alotoifale.
- Iloilo le tulaga talafeagai o faiga fa'avae Fa'atausi Tusi sa fa'aogaina ma le talafetaui o fua fa'atatau Fa'atausi Tusi ma fa'amatalaga fesootai a le Fono a Fa'atonu ma le Pulega.
- Fa'amautu le talafeagai o le fa'aogaina e le Fono a Fa'atonu ma le Pulega o le fa'avae Fa'a-Tausi Tusi o le gafatia o le fa'aauau o le auaunaga a le Kamupani ma fa'avae i mau Fa'a-Suetusi sa tuuina mai, poo iai se lē mautonu i tulaga ma aiaiga e fa'atatau i le mafai ona fa'aauau le auaunaga a le Kamupani i le lumanai. Afai ae fa'amautu o loo iai se tulaga lē mautinoa, e mo'omia le fa'ailoa i le matou lipoti Fa'a-Su'etusi o fa'amatalaga fesootai i Fa'amatalaga Tau Tupe pe o le lē atoatoa o ia fa'amatalaga e ono suia ai le manatu Fa'a-Su'etusi. O le matou manatu e fa'avae mai i mau sa matou maua mai i le matou suega e fa'apau mai i le aso o le matou lipoti. Ae peitai, e ono iai ni mataupu i le lumanai e aafia ai le gafatia o le fa'aauau o le auaunaga a le Kamupani ma ono fa'amuta ai ana galuega fa'atino.
- Iloilo le fa'ataatiaga, folasaga ma le anotusi o Fa'amatalaga Tau Tupe e aofia ai fa'amatalaga fa'aopoopo po'o fa'ailoa ai fefa'atauiga ma gaoioga i se tulaga talafeagai.

E matou te fesootai ma le Fono a Fa'atonu ma le Pulega e fa'atatau i le fa'atinoina o le matou su'ega ma saililiga taua e aofia ai fa'aletonu matuia i puipuiga fa'alotoifale e alia'e mai i le matou su'ega.

Manatu i luga o isi Aiaiga Fa'a-le-tulafono

Sa matou mauaina uma fa'amatalaga ma fa'amalamalama manaomia mo le matou su'ega. I lo matou manatu, sa tausia lelei tusi ma fa'amaumauga o tupe a le Kamupani e tusa ai ma la matou saililiga o ia tusi ma fa'amaumauga. O Fa'amatalaga Tau Tupe sa saunia ma tusia lelei ina ia tu'uina mai ai fa'amatalaga e tusa ai ma Aiaiga ma fa'amatalaga mo'omia e le Tulafono o Kamupani 2001 ma le (Teuteuga 2006) ma le Tulafono o Fa'alapotopotoga a le Malo (Fa'atinoga o Galuega ma le Mafai ona Tali Atu) 2001.

Sa fa'amae'a la matou galuega i le aso 12 Setema 2018 ma o lo matou manatu fa'asu'etusi o lo'o fa'avae mai i lea aso.

KAMUPANI O PULEGA O FAAPUTUGATUPE TEUFA'AFAIGALUEGA O MAVAEGA
TAUSAI O SAMOA

Lipoti Faamaonia a le Komiti o Faatonu
Fa'ai'uina ia 30 Iuni 2018

Ua ma faamaonia le Tala o Tupe mo le Kamupani o Pulega a le Faaputugatupe Teufa'a-faigaluega o Mavaega Tausi a Samoa e aofia ai le Faamatalaga o Meatotino ma Aitalafu, Faamatalaga o Tupe Maua ma Tupe Fa'aalu, Faamatalaga o Suiga i Tupe Faavae, Faamatalaga o Auala sa Maua Mai Ai Tupe ma lo Latou Fa'aaogaina faapea ma Faamatalaga faaopoopo o Tala o Tupe mo le tausaga ua faai'uina ia 30 Iuni 2018:

- (a) ua aumai ai se vaaiga e tonu ma talafeagai i vaega e fitoitonu iai;
- (e) ua tu'ufaatasia e ala i taiala ma faamatalaga manaomia e Ta'iala ma Aiaiga Faavaomalo i le Faalauiloaina o Tala-Faaletupe; ma,
- (i) ua faamalieina aiaiga o le Tulafono mo le Pulega o Tupe a le Malo 2001 ma le Tulafono mo Kamupani 2001 (teuteuina ile 2006) ina ia tusa ai ma vaega uma o lo'o aiaia i totonu o le Tulafono mo Faalapotopotoga a le Malo (Faatinoga o Galuega ma le Mafai ona Tali Atu) 2001.

I le taimi nei, i le maua lava iloa i tulaga o iai, e le o iai ni vaega po'o ni mataupu ogaoga e ono faaseseina ai le sa'o ma le lelei atoatoa o lenei tala o tupe.

Ua ma tuuina atu le faatagaina e tuuina atu ai le tala o le tupe o lo'o faapipiina atu ile aso 11 Setema 2018



Afoa Kolone Vaai

TAITAI FONO



Magele Arthur Penn

SUI FAATONU


KAMUPANI O PULEGA A LE FAAPUTUGATUPE TEUFA'AFALUEGA O MAVAEGA
TAUSI O SAMOA

Faamatalaga o Tupe Fa'avae, Aseta ma Aitalafu
Fa'ai'uina i le 30 Iuni 2018

	Faamatalaga	2018 \$	2017 \$
ASETA			
Aseta e lē mo le taimi nei			
Tupe Teufaafaluega i le UTOS		223	191
Fanua, Masini ma Meafaluega	7	509,697	470,927
Teugatupe Faavaitaimi - SCB	9	117,565	113,044
Aotelega o aseta e le na o taimi nei		627,485	584,162
Aseta i le taimi nei			
Tinoitupe i faletupe ma isi vaega	8	2,394,168	1,808,015
Aitalafu e le'i totogiina mai	10	690,818	308,252
Isi vaegatupe e tataua ona maua mai		22,716	40,024
Aotelega o Aseta i le taimi nei		3,107,700	2,156,291
Aotelega o aseta		3,735,185	2,740,453
TUPE FA'AVAE MA AITALAFU			
Aitalafu i le taimi nei			
Aitalafu totogi atu	11	1,277,334	166,540
Isi aitalafu ma vaegatupe e totogi atu	11	93,946	42,870
Tupe fa'aagaga mo tufatufaga i le Malo		250,000	500,000
Tupe fa'aagaga mo livi o le afaigaluega		43,755	43,276
Aofaiga o Aitalafu i le taimi nei		1,665,035	752,686
Tupe Faavae			
Tupe faavae mai le Malo o Samoa	12	1,800,000	1,800,000
Tupe faasili (paū) ua faaputupu		270,979	187,767
Aofaiga o Tupe Faavae		2,070,150	1,987,767
Aotelega o Tupe Faavae ma Aitalafu		3,735,185	2,740,453


Afoa Kolone Vaai

Taitaifono
11 Setema 2018


Magele Arthur Penn

Sui Faatonu
11 Setema 2018

KAMUPANI O PULEGA O FAAPUTUGATUPE TEUFA'AFALUEGA O MAVAEAGA
TAUSI O SAMOA
Faamatalaga o Tupe Maua ma Tupe Fa'aalu
Fa'ai'uina i le 30 Iuni 2018

	Faamatalaga	2018 \$	2017 \$
Tupe Maua			
Tului		66,644	69,954
Totogifuapau e tala ai iunite		95,561	101,491
Totogifuapau mo le Kamupani o Pulega		1,429,081	1,302,604
Isi Tupe Maua		7,348	3,408
Aofaiga o Tupe Maua		1,598,634	1,477,457
Tupe Fa'aalu			
Fa'asalalauga & Fa'alauiloa Fa'apisinisi		21,133	31,778
Su'eina o Tusi		25,380	18,481
Totogifuapau o Faletupe ma isi		1,829	1,538
Tupe Fa'aaoga mo le Komiti o Faatonu	6(ii)	46,812	57,981
Tupe fa'aalu i feso'otaiga		60,763	30,181
Eletise		25,961	20,948
Faaitiitia o le aoga o meatotino	7	146,599	74,362
Totogifuapau mo auaunaga faapitoa		24,026	38,498
Totogi o le aufaigaluega	5	715,290	666,488
Resitala ma Laisene		1,819	957
Lisi o le Ofisa		43,508	40,068
Tausiga ma le faaleleia o meatotino		1,907	1,620
Isi tupe fa'aalu i galuega a le Ofisa	4	62,557	50,309
Totogi Tausi Mavaega		36,644	-
Femalagaiga		52,022	33,237
Aofaiga o Tupe Fa'aalu		1,266,251	1,066,446
Tupe Faasili/(Paū) e le'i toesea le lafoga		333,212	411,011
Lafoga (totogi atu)/ totogi mai		-	-
Lafoga fa'aagaga mai tausaga ua mavae atu		-	-
Tupe Faasili/(Paū)		332,383	411,011

O faamatalaga faaopoopo ua tu'uina atu ua i le itulau 16 i le 20 ua avea o se vaega taua o faamatalaga o le tala o tupe e pei ona tuuina atu i luga

KAMUPANI O PULEGA O FAAPUTUGATUPE TEUFA'AFAIGALUEGA O MAVAEGA TAUSI
O SAMOA

Faamatalaga o Suiga i Tupe Faavae
Fa'ai'uina i le 30 Iuni 2018

	Faamatalaga	Tupe Faavae Mai le Malo o Samoa	Tupe Faasili / (Paū)	Aofaiga
Paleni ia 30 Iuni 2017		1,800,000	187,767	1,987,767
Tupe Faasili/(Paū)			332,383	332,383
Tupe fa'aagaga mo tufatufaga 2018			(250,000)	(250,000)
Paleni e oo mai le aso 30 Iuni 2018		1,800,000	270,150	2,070,150

O faamatalaga faaopoopo ua tu'uina atu ua i le itulau 16 i le 20 ua avea o se vaega taua o faamatalaga o le tala o tupe e pei ona tuuina atu i luga.

KAMUPANI O PULEGA O FAAPUTUGATUPE TEUFA'AFALUEGA O MAVAEGA TAUSI
O SAMOA

Faamatalaga o Auala sa maua mai ai Tupe ma lo latou Fa'aaogaina
Fa'ai'uina i le 30 Iuni 2018

	Faamatalaga	2018	2017
		\$	\$
Tupe maua /(totogi) i galuega fai			
Tupe maua mai Aufaiiunita ma Mavaega Tausi		13,013,993	12,797,451
Tupe maua mai tului i tusi tupe faagasolo		6,964	26,279
Tupe maua mai totogifuapau		1,415,464	1,470,960
Tupe totogi atu mo le Mavaega Tausi		(12,157,437)	(12,608,710)
Tupe totogi mo oloa ma le afaigaluega		(1,074,499)	(1,033,896)
Aofaiga o Tupe Maua/(Totogi) i galuega fai		<u>1,204,485</u>	<u>652,088</u>
 Tupe Maua/(Totogi) i galuega fa'aolaola			
Tupe maua mai Tului mo tupe teu fa'avaitaimi		71,557	46,603
Tupe maua mai faatauina o meatotino		-	-
Faatauina mai o meatotino tumau		(185,369)	(233,812)
Aofaiga o Tupe Maua/(Totogi) i galuega fa'aolaola		<u>(113,812)</u>	<u>(187,209)</u>
 Tupe Maua/(Totogi) i galuega fa'atupe			
Tupe Totogi tufatufaga Malo o Samoa		(500,000)	(600,000)
Aofaiga o Tupe Maua/(Totogi) i galuega fa'atupe		<u>(500,000)</u>	<u>(600,000)</u>
 Faaitiitiga i paleni o tinoitupe			
Tino i tupe I faletupe ma isi vaega i le amataga		(590,673)	(135,121)
		1,921,060	2,056,181
		2,511,733	1,921,060
Toese tupe teu fa'avaitaimi		(117,565)	(113,044)
Paleni fa'ai'u o tinoitupe		<u>2,394,168</u>	<u>1,808,015</u>
 Fa'aiiloa mai:			
Paleni o Tupe i le Faletupe	8	<u>2,394,168</u>	<u>1,808,015</u>
		<u>2,394,168</u>	<u>1,808,015</u>

O faamatalaga faaopoopo ua tu'uina atu ua i le itulau 16 i le 20 ua avea o se vaega taua o faamatalaga o le tala o tupe e pei ona tuuina atu i luga.

KAMUPANI O PULEGA O FAAPUTUGATUPE TEUFA'AFALUEGA O MAVAEGA TAUSI O SAMOA

Faamatalaga Faaopoopo
Fa'ai'uina ia 30 Iune 2018

1. Faamatalaga Lautele

O le Kamupani o Pulega a le Faaputugatupe o Mavaega Tausi a Samoa (UTOS) na faavae aloai'a i le masina o Mati 2010. O le Kamupani o Pulega a le Faaputugatupe o Mavaega Tausi a Samoa ("le Pule") na te pulea le Faaputugatupe o Mavaega a Samoa ("le Mavaega Tausi") ma ua faatuina i Samoa. O le Kamupani o Pulega e i ai lona feso'otaiga faaletulafono ma le Kamupani o le Tausi Mavaega a Samoa ma le mamalu o le Aufaiiunite. O lenei faia ua fausia aloai'a i lalo o le Maliega Mavaega Tausi i lalo o le Tulafono o Tupe Teufaafaigaluega o Faaputugatupe 2008.

O le Mavaega Tausi o se fuafuaga ua aiaia faaletulafono e teufaafaigaluega ai tupe e mafai ai ona tuufaatasia teugatupe faafaigaluega a le Aufaiiunite ma faapea ona tuuina atu iai iunite ma ave'a ai latou ma sui faaiunite a le Mavaega Tausi. O lenei faaputugatupe i totonu o le Mavaega Tausi o le a teufaafaigaluegaina e le Kamupani o Pulega a le Faaputugatupe a Mavaega Tausi a Samoa, le Pule o Tupe, e tusa ma faiga faavae a teugatupe teufaafaigaluega e pei ona taua i totonu o tusi taiala o mavaega ma teufaafaigaluega.

Na faavaeina le Mavaega Tausi mai le Tulafono o Tupe Teufaafaigaluega o Faaputugatupe 2008, ma o lo'o fa'afoeina e le Komiti o Faatonu e toatolu ona sui, ma taitaia e le Afioga Afoa Asiata Kolone Vaai. O isi sui o le Komiti o Faatonu e aofia ai le Ofisa Sili o le Matagaluega o Tupe faapea le sui o Pisinisi Tumaoti.

O lona Ofisa autu o lo'o i le fogafale lona tolu (3) o le Faletupe o Atinae a Samoa, i Savalalo ma o lana tuatusi o le Pusa Meli Tumaoti, Apia, Samoa.

2. Otootoga o faiga faavae faatausitusi faapitoa

O lo'o tu'uina atu i lalo le aotelega o faiga fa'avae ma taiala faatausitusi na fa'aaogaina e le kamupani mo le tapenaina ma le tu'ufa'atasia o ana faamatalaga o tala o tupe.

a. Faamatalaga e tusa ma taiala

O nei faamatalaga o tala o tupe ua saunia e tusa ai ma taiala ma manaoga o le Tulafono o Pulega o Tupe a le Malo 2001 (PFMA 2001) e manaomia ai le faaaogaina o taiala o tulafono faatausitusi Faa-va-o-Malo (IFRS) na tuuina mai e le Komiti o Faatonu o Tulafono Faatausitusi Faa-va-o-Malo (IASB).

E tusa ai ma le Vaega 91 o le Tulafono o Pulega o Tupe a le Malo 2001, o le Kamupani o Pulega a le Faaputugatupe o Mavaega Tausi a Samoa o se Faalapotopotoga Tau FeFa'atauiga, o lona uiga e tatau foi ona fa'amalieina uma manaoga mo le faia o lipoti i lalo o le Tulafono mo Faalapotopotoga a le Malo (Faatinoga o Galuega ma le Mafai ona Tali Atu) 2001.

e. Fua faatatau o tapenaga

O nei faamatalaga o tala o tupe ua saunia i luga o tau muamua o oloa sei vagana ai nisi vaega e ese mai ai ae o le a fa'ailoa pea. O faiga faavae faatausitusi faapitoa ua faailoa ina ia fesoasoani i se faamalamalaga lautele i nei faamatalaga o tala o tupe. I lalo o taiala a IFRS, e tatau ona faamautinoa lelei le faiga o fuafaatatau o vaega uma e a'afia ai aseta, aitalafu, tupe maua ma tupe fa'aalu. E ono iai se tulaga e eseese ai fuainumera o lo'o lipotiina i totonu o nei tala o tupe ma fua faatatau o nei fuainumera. E tatau pea ona iloilo taiala mo le faia o fuafaatatau i taimi uma.

i. Faatusatusaga ma tausaga ua tuana'i

O lo'o aofia i totonu o tala o tupe paleni o tausaga ua mavae ina ia mafai ona fai ni faatusatusaga tatau o paleni o le tausaga nei.

o. Tupe po o le tala faaaogaina

O mea taitasi o lo'o i totonu o nei faamatalaga o tala o tupe a le kamupani ua fua faatatauina e fa'aaogaina ai le tupe po'o le Tala Samoa

u. Fefaatauaiga e fa'aaoga ai tupe a isi atunuu

O fefaatauaiga ua faia i tupe a isi atunuu ua faaliliuina i le tala Samoa e tusa ai ma fua faatatau o tupe faaliliu o aso na faatino ai nei faafetauaiga. O aseta ma noataga faaletupe o lo'o faapea ona faamauiina i tupe a isi atunuu i le faaiuga o le tausaga faaletupe, ua faaliliuina i tala Samoa i le fa'aaogaina ai o fua faatatau o tupe faaliliu i aso na faia ai na fefaatauaiga.

f. Tinoitupe ma tinoitupe-taitutusa

O tinoitupe ma tinoitupe-taitutusa o lo'o taua i totonu o le faamatalaga o tala o tupe, e aofia ai tupe o lo'o i Faletupe ma tupe e lei teuina, faapea ma tupe teu faavaitaimi mo se taimi pu'upu'u e le sili atu i le tausaga.

KAMUPANI O PULEGA O FAAPUTUGATUPE TEUFA'AFALUEGA O MAVAEGA TAUSI
O SAMOA

Faamatalaga Faaopopo
Fa'ai'uina ia 30 Iune 2018

g. **Aitalafu totogi mai i luga o fefaatauaiga ma isi**

O aitalafu totogi mai i luga o fefaatauaiga ma isi ua muai faamauina i o latou tau fefaatauai ae toe fua faatatauina mulimuli ane i le toese mai ai o se fa'aagaga mo se faaleagaina mai o a latou tau. O se faaagaga mo aitalafu e faaletonu le totogiina mai, e faamautuina ina ua iai se faamaoniaga maumautu e le toe mafai e le Faaputuga tupe ona toe aoina mai ia aitalafu tusa ma aiaiga i le taimi muamua. A le mafai ona totogiina mai se aitalafu, e tusieseina agai i fa'aagaga mo aitalafu totogi mai. O aitalafu e mafai ona toe totogiina mai ae uma ona tusieseina, e toe faaopopo i tupe maua i totonu o faamatalaga o tupe maua ma tupe fa'aaoga.

l. **Aitalafu totogi atu**

O aitalafu totogi atu, ua faamaonia ina ua talia e le Faaputuga tupe le totogiina atu oni tupe i le lumanai ona o le faatauina mai o o loa ma auaunaga. O aitalafu totogi atu ua faamaonia i le tau fefaatauai o le tupe e totogi atu i le lumanai mo oloa ma auaunaga ua uma mai. E tusa ai ma le natura o le tele o aitalafu totogi atu, o tau ina ua maea ona faaitiitia e talafeagai lava ma tau fefaatauai.

m. **Fa'aagaga mo aitalafu totogi atu**

O faaagaaga mo aitalafu totogi atu ua faamauina i faamatalaga o tupe faavae, aseta ma noataga ina ua iai se noataga e mafua mai i se mea na tupu ma e matua foliga mai e manaomia tele le totogiina atu o nei aitalafu; ma ia mafai ona fua faatatauina le aofaiga

n. **Tupe Maua**

Tupe Maua mai Tului

O tupe maua mai tului e faamauina i le faamatalaga o tupe maua ma tupe faaaga i le faaagaina o se auala talafeagai lelei mo tupe tului.

Tupe faaalu

O faamaumauga uma i tupe faaalu ua faalia lea i le Faamatalaga o Tupe Maua ma Tupe Faaalu i le taimi e tataui ai ona totogi atu nei aitalafu.

p. **Fanua, masini ma meafaigaluega**

O fanua, fale, masini ma meafaigaluega o lo o faamauina i le tau ua toesea ai le aofaiga o tau faaitiitia o meatotino talu mai le aso na faatauina ai.

O latou tau e aofia ai tupe faaalu uma e patino tonu i le faatauina ma le aumaia o nei mea totino i le nofoaga fuafuaina e tataui ona faafaigaluegaina ai. O polokame faa-komepiuta na faatauina ina ia faaaga faatasi ma nei meatotino ua avea o se vaega po o ua faa-meatotinoina.

Faaititiga o Meatotino:

O faaititiga o tau o meatotino tumau e fuafua mai i o latou tau na faatauina mai ai ma le umi fuafuaina e faaagaina ai, ua faamauina i tala o tupe maua ma tupe faaaga. O pasene e faaitiitia ai meatotino, o lo o taua i lalo:

- Meafale a le ofisa	20%
- Meafaigaluega a le ofisa	20%
- Taavale	20%
- Meafaigaluega ma masini tau fesootaiga	33%
-Lisi o le faaleleia o le Ofisa	2.5%

O tau o meatotino e totee pe a maea ona faaitiitia ma le umi e faaaga ai e toe lilo, ma e suia pe a talafeagai, i le aso faaiu o le tausaga faaletupe

O tau o meatotino ina ua maea ona faaitiitia e toe faaitiitia vave i a latou tau talafeagai fefaatauai pe afai e tele atu le tau ina ua maea ona faaitiitia, nai lo le tau taumate talafeagai fefaatauai.

O tupe faasili ma tupe gau mai le aveeseina o aseta e maua mai le faatusatusaga o tupe e maua mai ai, ma o latou tau ua maea ona faaitiitia, ma faamauina i totonu o isi (tupe gau) / tupe faasili, i le faamatalaga o tupe maua ma tupe faaaga.

s. **Lafoga faaopopo i tau o oloa ma auaunaga.**

Ona o le Kamupani o se faalapotopotoga tau fa'afaletupe, o lafoga faaopopo i tau o oloa ma auaunaga na totogi atu e faamauina o vaega o aseta po o tupe fa'aaoga ona e fa'asaina le Kamupani mai le totogiina atu o lea lafoga (VAGST).

**KAMUPANI O PULEGA O FAAPUTUGATUPE TEUFA'AFALUEGA O MAVAEGA TAUSI
O SAMOA**

**Faamatalaga Faaopopo
Fa'ai'uina ia 30 Iune 2018**

t. Lafoga o Tupe Maua

Ua tuusaunoina le Faaputugatupe mai le totogi o lafoga o tupe maua i Samoa

v. Faamanuiaga o Tagata Faigaluega

O loo fai saofaga le Faaputuga Tupe i le Faalapotopotoga Faaputugatupe mo le Lumanai Manuia o Tagata Samoa e tusa ai ma le polokalame fai saofaga ma tulafono a le malo, ma e pau ma i le aofaiga o saofaga e tatau ona totogi atu. O ni noataga mo saofaga e tusa ai o lea polokalame e faamauina i faamatalaga o tupe maua ma tupe faaalu i so o se taimi e tulai mai ai.

O noataga mo aso livi e faaopoopoina ma faamauina i faamatalaga o aseta, noataga ma tupe faavae. O aso livi e faamauina i aofaiga e alagataau ona totogi atu e tusa ma aofaiga ua maua

O noataga mo faamanuiaga i taimi puupuu ua fua faatatauina e aunoa ma se faaititia, ma e faamauina o se tupe faaalu pe a uma ona faatinoina le auaunaga.

h. Tau o Nonogatupe

O tau o nonogatupe e faamauina i tupe maua ma tupe faaalu i le vaitaimi e faia ai ia fefaatauaiga.

3. Matematega ma manatu taua faatausitusi

O le tapenaga o faamatalaga o tala o tupe ina ia o gatasi ma Tulafono Tausitusi Faa-va-o-malo (IFRS) e moomia ai le pulega ina ia faia o latou manatu ma faatatau e aafia ai le faaogaina o tulafono faapea aofaiga ua ripotia o aseta ma noataga, tupe maua ma tupe faaalu. O fuafaataau ma o latou faamatalaga feso'otai na faia e fua mai luga o poto masani i vaitaimi ua tuanai ma isi vaega talafeagai. O nei faatatau ua fausia mai ai manatu e uiga i tau ma aoga o aseta ma noataga, i le le maua ma i isi ala. O iuga sa'o e ono eseese mai ai faatatau.

4. Isi Tupe Fa'aalu i galuega a le Ofisa

Auiliiliga o isi Tupe Fa'alu i galuega a le Ofisa ua tuuina atu i lalo:

	2018	2017
	\$	\$
Taumafataga mama	6,094	9214
Tupe fa'aalu mo ta'avale	15,148	7,274
Sapalai masani mo le auaunaga a le Ofisa	6,526	3,337
Resitala ma saofaga I Faalapotopotoga e sui ai	3,205	5,826
Tupe fa'aalu i meli	15	169
Lomiga ma tusitusiga	4,481	5,241
Pusa meli i le Samoa Post	750	390
Pepa mo le Ofisa	16,596	9,683
Inisiua mo taavale	3,844	5,242
Aoaoga mo le Aufaigaluega	5,898	2,749
Isi	-	1,184
Aofaiga o Tupe Fa'aalu i isi Galuega a le Ofisa	62,557	50,309

5. Tupe fa'aalu i le Aufaigaluega:

Tupe fa'aalu i le aufaigaluega o lo'o faamanino atu i lalo:

Totogi o le Aufaigaluega	661,114	616,499
Saofaga mo le NPF	46,966	43,527
Saofaga mo le ACC	6,720	6,462
Isi alauni	490	-
Aofaiga o tupe fa'aalu i le aufaigaluega:	715,290	666,488

KAMUPANI O PULEGA O FAAPUTUGATUPE TEUFA'AFALUEGA O MAVAEGA TAUSI
O SAMOA

Faamatalaga Faaopopo

Fa'ai'uina ia 30 Iune 2018

6. Tupe Fa'alu mo le Komiti o Faatonu ma le Pulega:

i. Sui Faatonu:

O Sui Faatonu o le Kamupani i totonu o lenei tausaga faale-tupe o:

Afoa Asiata Kolone Vaai	- Taitaifono
Lavea Tupaimatuna Iulai Lavea	- Ofisa Sili, Matagaluega o Tupe
Magele Arthur Penn	- Sui mai le vaega Tumaoti

O totogi, penifiti ma isi tupe fa'aalu i le Komiti o Faatonu e \$46,812 na totogiina i totonu o le tausaga e aofia ai alauni o fonotaga. O Sui Faatonu e filifilia mai Faalapopotoga ma Matagaluega a le Malo latou te le mauaina se totogi tau faatonu po'o ni alauni mo le auai atu i fonotaga.

ii. Tupe faa'alu mo le Komiti

Tupe fa'aalu i le Komiti o Faatonu ua faamanino atu i lalo:

	2018	2017
	\$	\$
Totogi ma alauni mo sui Faatonu	42,018	53,799
Tupe fa'aalu mo resitala	3,000	3,000
Tupe faaalu mo fonotaga	1,794	1,182
Aofaiga o tupe fa'aalu mo le Komiti o Faatonu	46,812	57,981

7. Meatotino ma Meafaigaluega:

Auiliiliga o Meatotino ma Meafaigaluega o lo'o faamanino atu i lalo:

	Mea'afale & faaleleia o le lisi fale	Mea faigaluega	Komupiuta ma polokalame	Taavale	Aofaiga
<i>Tau atoa tauave mai</i>					
Paleni amata ia 01 Iulai 2017	176,612	52,787	264,651	205,909	700,040
Faaopoopoga	4,324	27,990	153,055		185,369
Meatotino ua aveeseina					
Paleni faaiu ia 30 Iuni 2018	180,936	80,777	417,706	205,990	885,408
<i>Fa'aitiitiga o meatotino Faaputupu</i>					
Paleni amata ia 01 Iulai 2017	52,637	39,945	43,728	92,803	229,113
Meatotino ua aveeseina					
Fa'aitiitiga o meatotino mo le tausaga	11,562	8,090	85,749	41,199	146,599
Paleni faaiu ia 30 Iuni 2018	52,637	48,035	129,477	134,002	375,712
Tau totoe o Meatotino ia 30 Iuni 2017	123,975	12,842	220,923	113,187	470,927
Tau totoe o Meatotino ia 30 Iuni 2018	116,735	32,742	288,299	71,988	509,697

8. Tinoitupe i faletupe ma isi vaega

(a) Auiliiliga o tinoitupe ma tinoitupe i faletupe ua faamanino atu i lalo:

Tusitupe i le BSP	1,375,736	207,879
Tinoitupe mo mea laiti	250	150
Tusitupe i le ANZ	13,663	102,819
Tusitupe ile SCB	97,272	31,887
Aofaiga o tinoitupe	1,486,921	342,735

(e) Teugatupe Faavaitaimi

Teugatupe Faavaitaimi i le SCB	907,247	865,280
Teuga tupe Faavaitaimi i le ANZ	-	300,000
Teuga tupe Faavaitaimi i le NBS	-	300,000
Aofaiga o teugatupe faavaitaimi	907,247	1,465,280
Tinoitupe i faletupe ma isi vaega	2,394,168	1,808,015